


# MONGWALO WA SEATLA

## MO LEBOTONG

 Bjo e le bošego bja Laboraro, ke tshepišitše mantšiboa a go feta go . . . ke be ke eya go bolela, ge Morena a ka dumelela, bošegong bjo, go sehlogo sa: *Mongwalo Wa Seatla Mo Lebotong*. Ke ye kudu . . . Oo, re ka bea dibeke go sehlogo, gomme morago ra se ngwape le ge e le bokantle. Eupša ke tla leka go taramolla feela bonnyane bja yona bošegong bjo, ka thušo ya Moya wo Mokgethwa. Gomme bjale ke nyaka go bala go tšwa go Daniele, tema ya 5 le temana ya 25. Gomme E balega ka mokgwa wo.

*Gomme wo ke mongwalo wo o bego o ngwadilwe,  
MENE, MENE, TEKEL, UPHARSIN.*

Gomme bjale Morena a ke a oketše ditšhegofatšo tša Gagwe go Palo.

<sup>2</sup> Gomme ke a makala ge e ba ngwanešu wa rena wa go loka, mohlokamedi fa, a ka no tima mabone a a go phadima. Ke nna a—a . . . Le bonegile thwi fase tsela ye. Ke a go leboga, ka botho kudu. Ga ke kgone go bona batheeletši. Kagona ge ke bolela le yo mongwe, ke rata go ba lebelela ka sefahlegong ge ke bolela. Go no bonala bontši e ke ke kgomano ya seng le batho.

<sup>3</sup> Bjale re tshepela go Morena wa rena, bošegong bjo, ge re sa leka go tšea nako ya ka le go bolela ka sehlogo se. Ke a tseba ke sehlogo se segolo. Gomme ke ya boebangedi tirel- . . . sehlogo, gomme ga se ya phodišo ye Kgethwa. Eupša ke ya ye kgolokgolo phodišo ye Kgethwa. Mmele wa go babja kudu woo ke o tsebago bošegong bjo, ke Mmele wa semoya wa Morena wa rena Jesu, mo lefaseng le; o rathagane godimo bjalo, le go thubega godimo, go fihla ka kgonthe o hloka phodišo ye Kgethwa.

<sup>4</sup> Bjale, sehlogo sa rena bošego bjo se thoma Babilone. Gomme Babilone pele e beilwe, yeo le bjalo ka sehlogo se. Ke a Sineara. Gomme la mathomo e be e bitšwa, “sefero sa Modimo,” *Babele*. Babele, gomme morago ya bitšwa *Babilone*, yeo e rago “tharano.” Gomme Babilone e tšwelela ka mathomong a Beibele, go Genesi; gomme e tšwelela bogareng bja Beibele; gomme e tšwelela ka mafelelong a Beibele, Puku ya mafelelo, Kutollo. Gomme e le gore e gohle go kgabola Beibele, e swanetše go ba e sa le gona le bjalo lehono.

<sup>5</sup> Gomme, gape, se sengwe le se sengwe se lego lefaseng lehono, ka tsela ya dilo tša semoya, bjalo ka Moya wa Modimo le moya wa diabolo, le ditumelo tšohle le se sengwe le se sengwe seo re nago le sona lehono mo lefaseng, di thomegile go Genesi. *Genesi* e ra gore “mathomo.” Gomme dilo tšeo tšohle, go le bjalo ka tlase ga

leina le lengwe le ka tlase ga sebopego se sengwe, eupša moya wa go swana woo o thomegilego go Genesi, o e tliša ntle. Gomme go no ba bjalo ka mohlare o gola, o etla go hlogo, fao yohle e tla tlogo go sehloa mo bofelong, go dikahlolo tše kgolo tša Modimo, fao A tlogo rarolla dilo tšohle. Gomme tšohle di bilego le mathomo di tla ba le mafelelo. Feela dilo tšeo di se nago mathomo ga di na mafelelo.

<sup>6</sup> Ke ka lebaka leo ba—ba Bakriste ba go tswalwa gape ga se nke ba be le bofelo, ka gobane o na le Bophelo bjo Bosafelego. Gomme Bophelo bjo Bosafelego ke karolo ya Bophelo bja Modimo Mong, ka gore Modimo ke wa Kagosafelego. Gomme lentšu la go swana, lentšu la Segerike *Zoe* leo le rego “Bophelo bja Modimo,” ge Jesu a bolela gomme o rile, “Ke le neela Bophelo bjo Bosafelego,” lentšu leo la go swana le dirišitšwe gape. Kagona, motho yo a tswetšwego gape, moya wa gagwe o fetotšwe, gomme o ba karolo ya Modimo, go fihla a le morwa wa Modimo. Gomme o no ba wa Gosafelego bjalo ka ge Modimo a le wa Gosafelego, ka gobane ke karolo ya Modimo, ka Tswalo ya gagwe, Tswalo ya semoya.

<sup>7</sup> Bjale, Babilone e hlonngwe ke monna a bitšwago Nimirode, yo a bego a le morwa wa Hama, monna yo mobe kudu.

<sup>8</sup> Gomme Babilone e kile ya ba mošate wa lefase. Ge toropokgolo ye kgolo ye e agilwe fao, ditoropokgolo tše nnyane tšohle, tšohle go e dikologa, di e lobile, metšhelo, le go ya pele, go toropokgolo ye kgolo ye, Babilone.

<sup>9</sup> Gomme ka gare fale, ge o ka bala ka go tše dingwe tša dingwalwa tša kgale, go swana le *Two Babylons* ya Hislop, le tše dintši tša dihistori tša kgale, o tla hwetša gore ba bile le mehuta yohle ya dithuto tša go tlabana ka gare fale. Ba bile le mosadi ka gare fale, ga ke kgone go bitša leina la gagwe mo nakong ye, gomme o be a tla hwetša medu ya go se tlwaelege gomme. . . ka ntle ga lefase, gomme a dira medimo go tšwa go yona. Go dumelwa gore yeo e bile medimo yeo Jakobo a e tšerego go tšwa go ratswalagwe, ye mengwe ya medimo yeo ya medu le go ya pele. Feela mesejana ye mennyane, gomme go tšwa go tšona dilo go tšupologile ditumelwana tše re di bonago lefaseng lehono. Ge le ka hlokomela tlhago ya tšona, le tlhago ya dilo tše lehono, ke tlhago ya go swana.

<sup>10</sup> Kafao, Babilone e dutše feela ka go moedi wola wo mogolo wa go nona fale, gomme o be o dikogilwe le go nošetšwa ke Noka ya Forata, le Tigeri. Gomme e be e le lefelokgolo le legolo la tša temo. Gomme Babilone e be e le toropokgolo ye kgolo. Gomme ke, go ka lekana le, e ka ba lekgolo le tee le masomepedi a dimaele go dikologa toropokgolo; dimaele tše masometharo lehlakore ka lehlakore, seo se tla e dira lekgolo le masomepedi a dimaele go dikologa. Ba re mekgotha ka mo toropongkgolo ya Babilone e be e le dikgato tše lekgolo go putla. Maboto a

le bokoto bja dikgato tše masomeseswai, gomme ka kgonagalo makgolo a mabedi a dikgato godimo. Ba be ba kgona go katiša mekato ya dikoloi tša dipere go dikologa maboto a, ka dikoloi tša dipere. Gomme difero di dirilwe ka mphiri, gomme difero gona di tla ba makgolo a mabedi a dikgato go putla. Gomme thwi ka bogareng bja toropokgolo go dutše mošate, gomme mošate o be o le terone. Gomme go kgabola bogare bja toropokgolo go tšwile noka ye kgolo, Forata. Ge le ka e hlokomela, ke toropokgolo ya diabolo, ka gore e hlangwe go bapetša le Toropokgolo ya Modimo, bjalo ka Noka ya Bophelo pele ga Terone. Gomme ka go toropokgolo ye, ba bile le tše kgolo, dirapa tša go kgelempua, go tloga mabotong, go dikologa.

<sup>11</sup> Gomme e bile se segolo bjang, setšhaba se maatla ka nako yeo, go fihla se bile se fentše lefase la go tsebja, gomme lefase lohle le be le e loba. E be e gatetšepele ka tša mahlale, gomme e be e na le dilo tše mpshampsha tša mahlale a ka kgonago go di tšweletša. E be e ne dikoloi tša dipere tše mpshampsha, dihlangwa tše mpshampsha, dibetša tše maatla kudu, le ditšhipi tše kaonekaone. E be e le ketapele go lefase ka moka.

<sup>12</sup> Gomme ka gare ga maboto a, fao Kgoši Belesatsara a bego a le kgoši ka nakong ya tiragalo ye yeo re bolelago ka yona bošegong bjo. Kgoši Belesatsara, yoo Beibele e rego, “Nebukadinetsara, yoo e bego e le tatagwe,” eupša therešong o be a le tatemogolo wa gagwe yo a mo hlatlammego, Kgoši Nebukadenesara.

<sup>13</sup> Gomme bontši bja lena le a elelwa gore Nebukadenesara o be a le mathomo a mebušo ya Bantle, hlogo ya gauta. Gomme o ile a rotogela ka Jerusalema, bontši, bontši bja dimaele bokgole, gomme a swara Bajuda le go ba tliša fase ka go mmušo wa gagwe, le go ba dira makgoba, gomme ba šomišitše boramahlale ba bona le go ya pele.

<sup>14</sup> Feela bjalo ka Russia e dirile ge e ile ka gare ga Jeremane. Gomme fao ke ka lebaka leo ba bile le pomo ya athomo, le go ya pele, ba hweditše boramahlale bale ba Majeremane. Ke ka lebaka leo ba gatetšepele bjalo lehono, ba ba swere le go ba iša morago godimo fale. Bonabeng, ba be ba se nayo, eupša ba ile ba hwetša dilo tšela feela bjalo ka Nebukadenesara a dirile Bajuda.

<sup>15</sup> Gomme re hwetša gore, ka nakong ye, go be go ne monna wa moloki ka leina la Daniele, moprofeta wa Morena, o tšeetšwe bothopšeng ka nako yeo. O be a diretše bjalo ka mokgoma godimo ga batsebadinaledi bohle, le go ya pele, le banna ba bohlale le boMagi, ka pušong ya Kgoši Nebukadenesara.

<sup>16</sup> Gomme bjale Belesatsara o be a buša. Belesatsara e be e le monna wa mohuta wa go se loke. O be a no se iše felo.

<sup>17</sup> Gomme bjalo batho bohle ba Babilone, le ka tšhireletšo ye kaalo yeo ba ikwetšego ba bile le yona! Gatee ka gare ga difero tšela, gomme difero di tswaletšwe, le ka maboto a kgato

tše makgolopedi, bokoto bja dikgato tše masomeseswai, e no nagana ka fao ba ikwetšego ba šireletšegilego ka gona ka gare ga maboto ale!

<sup>18</sup> Eupša e nngong go elelwa se. Ga go tshwenyege ka fao mahlale a go dirilego go šireletšega, Modimo o tla go hwetša ge o dira sebe! Go ne tšhireletšo e tee, gomme yeo ke ka go Kriste Jesu.

<sup>19</sup> Bjale, bjalo ge ba ikwetše bohlokwa bjo bogolo bja go ba setšhaba sa ketapele sa lefase, seswantšho kudu, tlabologo ya sebjalebja feela go swana le ye re phelago ka go yona, Amerika ye bosebose ye. Gomme ke mohuta wa go hloabaela, ka bonna, eupša ke a boifa re tšea mokgwatebelelo wa go swana woo ba o tšerego. Gore re ikwa ka gobane re ne, seo re naganago, boramahlale ba bakaonekaone, le merathatha ye mekaonekaone, le dipomo tša athomo, le difofane tša lebelobelo, gomme re ne mohuta wa . . . Go beng setšhaba sa ketapele sa lefase, re bile ka mokgwa wo mongwe go ikwela go bolokega ntle le Modimo.

<sup>20</sup> Ke phethene ye botse kudu. Gomme Modimo ga a ke a fetoga. Mokgwatebelelo wa Gagwe go sebe o a swana lehono bjalo ka ge o bile nako yela. Gomme ga go ne lefelo la bokhuto fase fa. Feela ka go Kriste ke fao re šireletšegago.

<sup>21</sup> Gomme ka gare ga toropokgolo ye, bjalo ka ge ba ikwetše go be go se tsela, mo lefaseng, go madira go ka tsoga ba hlasetše toropokgolo yela. A magolo, maboto a matelele, le ditlabelo tša bona tša sebjalebja, gomme ba be ba thibetšwe go tšwa go lefase la ka ntle. Eupša ba be ba sa tsebe gore setšhaba se sešoro se bitšwago Bameda le Baperesia, bao gabjale ke Mahindu a India, ga se ba tsebe gore dimaele kgole ba be ba epa lebopo la noka, go retolla Noka ya Forate, gore ba kgone go matšha ka tlase ga maboto. Ge ba be ba ikwela ba šireletšegile! Nako yohle ba ikwetše ka tsela yeo. Ge ba ikwetše seo, gona ba ile ba pshikologa sebeng.

<sup>22</sup> Go bonala eke ge monna a fihla lefelong fao a ikwago gore yena o a ikgona seng, sebe se thoma go mo swara. Kereke, setšhaba, motho ka motho, yo a ikwago gore ga a hloke thušo ye itšego go tšwa ka ntle, sebe se thoma go mo laola. Yeo ke therešo. Gomme re tla lemoga, le gona, gore ge batho ba thoma go kwa maikutlo ao a phagamego, gantši sebe se tsena gare le go ba bodiša.

<sup>23</sup> Kafao ge ba tswaletše menyako yela, ba naganne ba bolokegile. Eupša Modimo o lebelela fase go tšwa Magodimong! “Gomme sebe ke kgobogo go setšhaba e ka ba sefe.”

<sup>24</sup> Ke a makala, bošegong bjo, le tšohle ditlabelo tše kgolo tša rena, le disapomarine tša rena tša go laolwa ke athomo, le difofanekgolo tša rena di fofago bontši bja makgolo a dimaele ka motsotswana, tšeo ebile, goba, motsotso, tšeo di kgonago ebile go feta mollwane wa modumo. Eupša, le se tsoge le lebetše eupša seo dibe tša lena di tla le hwetša!

25 Gomme, mo nakong ye, ba be ba tswaletše difero. Gomme ba naganne ba tla, ba ka kgona go phela ka maipshino kafao ba nyakago, ka gobane ba be ba šireleditšwe. Ba be ba le setšhaba sa ketapele, ditšhaba tše dingwe tšohle di lebeletše go bona go mahlale le go—go thušo.

26 Gomme kafao, ka go nako e bjalo ka yeo, go bile le... Kgoši ye e naganne o tla ba le nako e kgolo go iketla. Gomme a bea letšatšikgwedi fao a yago go ba le motantsho wo mogolo, goba, bjalo ka ge nka bolela, go šikinyega le go pshikologa ga sebjalebjale; ga go bontši go yona. Gomme kafao o bea nako, gomme o laletša batsebagei bohle, bohle ba masole le baetapele, le bohle basadi le metlabo ya bona.

27 Bjale, motlabo e no ba mmalegogwana wa semolao. Gomme a le a bona, ge motho a ikwa go kgona seng, gore o thoma go pshikologa ka sebeng?

28 Gomme a thoma go bitša gare dinotagi tšeo a ka kgonago go di hwetša, go phathi ya go šikinyega le go pshikologa ye kgolo yeo a bego a e ya go ba nayo. O naganne o bolokegile. O naganne go be go se selo se ka mo gobatšago, ka gobane o be a bolokegile. Gomme o bile le semphetekegofete se segolo ka go ye nngwe ya dirapa feela ka mafuri a mošate. Gomme ge a sa le ntle fale ka serapeng, mohlomongwe ba be ba e kgabišitše gohle godimo gabotse ka kgonthe, dibenyabenyane tšohle di lekeletše, gomme ba ne basetsana ba pontšho bohle le bontši bja basadi go tla go thabiša masole. Gomme dipiri ša bona le dibeine tša bona! Ge seo e se seemo se sebotse sa sebjalebjale sa phathi ya go šikinyega le go pshikologa lehono, ga ke tsebe fao ye nngwe e ka bago. Yeo ke kgonthe. Gomme ba ne se sengwe le se sengwe se loketše, gomme ba be ba eya go ba le nako ya go iketla.

29 Gomme ga go pelaelo eupša seo basadi ba bantši ba ba nyetšwego ba tlile. Banna ba bona ba tlogetšwe gae bjalo ka bahlokomedi ba bana, ge ba ile ntle go ba le boipshino. Gomme go fetola, ga go pelaelo mme o be a sepela lebatong, le ngwana wa go lwala, mola monna wa gagwe wa go tagwa a ile ntle go ba le boipshino. E no ba tshela ya tee, le seripa sa tasene ya ye nngwe.

30 Gomme ke kgona go ba bona ge ba thoma go nwa le go ipshina. Gomme ke eleletša ka kgonthe ba rathile godimo baletšammino, gomme ba bile le mmimo. Gomme batšwamahlalagading ba bannyane ba kgelempuišana. Gomme masole, ba tagilwe, ba kgwathakgwatha basadi le go ba fošetša godimo ga dihlogo tša bona, le go ba atla le go ba bea fase ditulong, gomme ba hlalala. Ba nagana ba bolokegile!

31 Oo, Amerika, Modimo yo a lebeletšego fase go yela ya go tagwa, phathi ya go šikinyega le go pshikologa, o go lebeletše bošegong bjo!

32 Gomme a nako ba swanetšego go ba ba bile le yona! Gomme ke kgona go eleletša kgoši ye fa, Belesatsara, e be e le Elvis

Presley wa sebjalebjae, o be a kgona go dira boati bja menyaka yeo ba bilego le yona. Le gohle go ya pele ga bona, gomme ba sa tsebe, nako yohle, gore lehu le eme mo monyako!

<sup>33</sup> Kafao, bjalo ge phathi e tsena ka gare ga go kgelempua go go golo, ka mehla feela ka go swana le peakanyo ye kgolo ya go bontšhwa ka mogala go Hollywood ya sebjalebjae, ba naganne ba ka dira metlae ye mebotse ka bodumedi; go swana le seaparo sa Arthur Godfrey, goba se sengwe go swana le sela sa sebjalebjae lehono, goba Ernie Ford yo mongwe wa go topa nawa, go dira motlae wo itšego ka moreri. Eupša Modimo o sa lebelela fase go tšwa Legodimong! Eupša ba naganne ba phetše ka go setšhaba sa mokgwa woo se ka se kgwathwego. Eupša o buna seo o se bjetšego!

<sup>34</sup> E nnonng go lemoga seo, batho. Goba le setšhaba, goba kereke, goba motho seng, o buna seo o se bjetšego!

<sup>35</sup> Gomme, gobaneng, ke kgona go bona kgoši ye e emelela, le go re, “Feela motsotso, basetsana, a re beng le motlae o mobotse wa sedumedi ka moreri,” goba go ya pele.

<sup>36</sup> Gomme le dibenyabenyane ka moka di fofa, gomme bahumagadi ba bafsa ba re, “Ipee! Ee, ke a dumela re rata go kwa woo.”

<sup>37</sup> Gomme masole a bafsa a tšwelapele bjalo ka batšwamahlalagading ba lehono, gobane ye ga se selo go feta Babilone ya sebjalebjae! Ke nna Moamerika, eupša kafao Daniele o bile wa Babilone ka nako yeo. Eupša seo ga se tloše molato go sebe!

Ke rile go mosetsana nako ye nngwe, “A o Mokriste?”

O rile, “Ke go fa go kwešiša, ke nna Moamerika.”

Ke rile, “Seo ga se bolele selo.” Le gannyane!

<sup>38</sup> Ke thabela go ba Moamerika, eupša seo ga se na selo go dira go bonagatša Bokriste; ga go selo. Ge re dira sebe, re ya go lefela dibe tša rena, e nnonng kgonthišišwang ka seo.

<sup>39</sup> Ba bile le moprofeta fale, eupša ga se ba theeletša. Ba bile le Molaetša, eupša ba nyakile go dira papadi ka Wona.

<sup>40</sup> Ge yeo e se Amerika ya sebjalebjae, ga ke e tsebe. Ba ne Ebangedi, Therešo, eupša ba rata go E dira papadi.

<sup>41</sup> Kafao ba rile, “A re yeng fase gomme re tšee tšona dibjana tša bopshikologi bokgethwa, gomme re di tliše godimo fa gomme re be le motlae wo mobotse go tšwa go yona.”

<sup>42</sup> Modimo ga a dumelele badiradibe go dira papadi ka batho ba Gagwe! O tla lefa sebakeng sa yona, letšatši le lengwe.

<sup>43</sup> Gomme ba ile go tšea dibjana tša Morena, le go di tliša godimo ka gare ga tempele, gomme ba ya go ba le go nwa go gobotse go tšwa go dibjana tša Morena. Gomme ge ba tšhela Dioertel 92 tša bona goba Pabst Blue Ribbon, ka go sona, go ba le

motlae o mobotse go tšwa go sona, oo, ba bethantšhitše digalase le dibjana, gomme ba thoma go nwa, le go sega le go dira papadi ka bodumedi bja Morena. Ba be ba sa lemoge seo ba se dirago.

44 Gomme go bjalo ka setšhaba se, bošegong bjo, ba hloka tsebo ka ga go ganeng Molaetša wa Morena Jesu Kriste, go kolobetšo ya Moya wo Mokgethwa, le go tswalwa gape.

45 Le ge ba be ba le ba bodumedi, bjale, phathi yela ya go šikinyega le go pshikologa, ba be ba le ba bodumedi, ka gobane Beibele e boletše gore, “Ba tumišitše medimo ya bona.”

46 Kafao o ka kgona go ba ebile wa bodumedi kudu, gomme wa fela o sa fošitše! Yeo ke nnete. Ga se go hlokofala. “Go ne tsela yeo o ka rego e lokile go motho, eupša ofelo bja yona ke tsela ya lehu.” Kafao ba bile le kereke go mmušo ye kgolo, le bodumedi bjoo ba ka bo direlago, gomme ba dirile papadi ka dilo tše kgethwa tša Modimo.

47 Gomme seo ke sona seswantšho sa lehono, go dira papadi ka dilo tše kgethwa tša Modimo. Ba bitša batho, bao ba lekago go phela bohleweki le setho, le go loka, ba ba bitša “ba fešene ya kgale” goba “mopshikologi yo mokgethwa,” goba mohuta wo itšego wa leina la go goboša. Gomme ba bitša dimpho tša Morena, tšeo A di dirago, “Mediro ya moya wo mobe, go swana le mmolelelamahlatsepele goba diabolo.” Oo, o ka kgona go efoga kahlolo bjang? Madi a bahwelatumelo a bitša kgahlanong le yona! Ge Modimo a sa ahlole setšhaba se go sebe sa sona sa sebjalebja, O tla swanela go tsoša Sodoma le Gomora godimo, gomme a ba kgopela tshwarelo ka go ba fetšiša. Yeo ke nnete. Re lebile go kahlolo! Gomme matete a magolo a ao le bonago Mophološi wa rena wa go šegofala a a dira, ke dika tša tshebotšo, gore kahlolo e batametše; gomme o kamile setšhaba se go tloga lehlakoreng go ya lehlakoreng, go tloga Bohlabela go ya Bodikela, go tloga Leboa go ya Borwa. Gomme ba E šikologile, ba E sega, ba E swaswalatša, ba E ngwala godimo ka maphepeng a bona bjalo ka “ditšiebadimo.” Nagana ka yona, Babilone ya sebjalebja!

48 Bjale ge ba sa nwa, ba thulantšha dikomiki tša bona go nweng; ka bjakobjako, ge moralokimošemane yo mogolo wa mmobi yo, ka leina la Belesatsara, a sa eme matsaro go ka tšea seno go tšwa komiking ya gagwe, mahlo a gagwe a bonala eke a tšwelantle, bjalo ge a retologa le go lebelela go lebana le sebo, ka gore o bone, go tla go tšwa Legodimong, seatla sa Monna, gomme Sa thoma go ngwala godimo le tlase mo lebotong.

49 Ke nyaka le lemoge, Se ngwadile godimo ga moritelo. Bjale, mohlomongwe dikhandelara di be di dutše ntle go tšwa go sedibelwana sa tšona, fao di bego di ne go šikinyega le go pshikologa ga tšona ga sebjalebja, gomme mabone a be a panyapanya go bapa le lebotu. Modimo ga a dire dilo sekhutlong!

Se thwi ka tlase ga seetša, fao Modimo a boelago le go sepela. Kafao mongwalo wa Gagwe wa ka godimo ga tlhago o be o le moritelong wa leboto, mo ponagalong ya bona bohle.

<sup>50</sup> Gomme kgoši o swanetše go be a e bone pele, rametlae yo wa sebjalebjae, montšhaboduto yo mobotse wa seyalemoya, sebakadi sa thelebišene. Bjalo ge a thulantšha galase, go nwa, goba komiki, seo a bego a ne sona ka diatleng tša gagwe, mahlo a gagwe a tšwelantle, gomme a ikwa a thothomela. Ke a eleletša o dirile. Beibele e rile, “Marapo a gagwe a nokologa, go tšwa magahlanong.” Ka kgonthe o be a thothomela, kgonthe go lekanela. Ge Modimo a thoma go bontšha dika tša Gagwe, ke nako ya go hwetša go thothomela. Yeo ke nnete. Gomme bjalo ge a hlokomela, pina ya gagwe ya go šikinyega le go pshikologa ya mo dira a thothomele.

<sup>51</sup> Gomme gona ge a lemoga mongwalo wa seatla wo mo lebotong, ke kgonna go eleletša methepa ye mennyane ka dipounama tša gagwe di pentilwe go dikologa bjalo ka ga ke sa tsebe selo, le moriri wa gagwe o tlopetšwe godimo, le go mo tšubutla go dikologa, gomme le masole a a go tagwa, o rile, “Ke kgotsa molato ke eng ka mošemane yo bošegong bjo?” bjalo ge a eba le sethehu.

<sup>52</sup> Gomme lesogana le lengwe la mo swara, gomme la re, “Go lokile, a re bine ye e latelago mmogo.” Gomme mmimo wa emišwa.

<sup>53</sup> Oo, setšhaba se segolo se sa go dira sebe, nako ye nngwe go šikinyega le go pshikologa ga lena go ya go ema! Ge le ka se theeletše lentšu la moreri, le tla theeletša go seatla sa Modimo ka kahlolong letšatši le lengwe. Eupša go šikinyega le go pshikologa go tla ema, feela go swana bjalo ka ge baletšammino ba dirile, gomme ba bapala *Kgauswiuwi, Modimo wa Ka, Go Wena* go Titanic. Letšatši le lengwe le ya go fetola tšhune yeo.

<sup>54</sup> Gomme mmimo wa emišwa. Gomme ba lemoga rametlae wa bona, naletšana ya bona—ya bona mo pontšhong ya thelebišene, gomme, o be a eme, matolo a gagwe a setlana mmogo, ka ge a lebeletše gomme a bone selo se se segolo se direga. “Gobaneng,” o rile, “maboto ohle a tswaleletše go rarela. Ke ne baleti ba ka ba eme mo seferong, monna wa ka wa go kgethiwa.”

<sup>55</sup> Eupša, le a bona, Modimo ga se a swanela go tla ka gare go sefero, ka tsela ye le naganago. O tla fase go tšwa Letagong! Gomme seatla sa Gagwe se be se ngwala mo lebotong.

<sup>56</sup> Gomme ka potlako, go le ka go lefelo la sebjalebjae kudu, Beibele e rile o biditše bohle babolelamahlatse, batsebadinaledi, dipišopo tšohle, dingaka, le bomopapa, le dikhatinale, le go ya pele. Gomme a re, “Bjale ke tla le botša, bakgomana, ke le file monyetla go rera le go dira seo le nyakilego go dira. Bjale hlathollang, go nna, Seo mo lebotong.”



57 Eupša feela bjalo ka ge go bile nako yela, go bjalo le bjale, ba be ba se ba tlwaela tša ka godimo ga tlhago. Ga se ba tseba selo ka ga Wona. Ga se ba tsebe ka fao go ka hlatholla maleme a sa tsebjego. Ba be ba sa tsebe selo ka leleme la Legodimo. Gomme ba ile ba hloka molomo. Ga se ba tsebe selo ka ga Wona. Gomme bjalo ge ba eme fale. . .

58 Elelwang, ye ke go tlišwa ka gare ga mmušo wa Bantle. Gomme bjalo ge o etla ka gare ka tlase ga sa ka godimo ga tlhago, o tla ya ntle ka tlase ga sa ka godimo ga tlhago.

59 Eupša dipišopo tšela le dikhatinale, le dingaka tše kgolo, ba se kgone go hlatholla sa ka godimo ga tlhago. Ga se ba tseba selo ka ga Wona. Ba lebeletše go kgabola dipuku tša bona tšohle tša bokgabo, gomme ba se kgone go hwetša selo seo se ka go bapetšwa le Sela. Le a bona, dilo tša semoya di kwešišwa ka tša semoya. Gomme gona ba be ba tshwenyegile bohle, gomme ba be ba sa tsebe seo ba ka se dirago.

60 Gomme, mafelelong, mohumagadi yo monnyane. Elelwang, o be a se phathing ya go šikinyega le go pshikologa. Gomme tsela e nnoši yeo a tsebilego se sengwe se be se direga, lentšu le fihlile go yena gore kgoši o be a thothomela, gomme phathi e emišitšwe. O be a ka dira yo mongwe wa badumedi ba go loka. Gomme, ka mokgwa wo mongwe goba ye nngwe, o bile yo mongwe yo a sa lebalago.

61 O kitimetše ka gare ga phathi. Gomme bjalo ge a bona rametlae wa sebjalebjae a thothomela gohle, le bohle baletšammino ba gagwe, o rile, “O kgoši, phela go ya go ile!” Eupša o be a sa tsebe gore o be a hwile thwi nako yeo. O rile, “Phela go ya go ile! Ke a tseba bohle le tshwenyegile ka mongwalo wa seatla mo lebotong. Gomme ke bona mopapa, le dipišopo le dikhatinale, le dingaka tša bokgethwa, gomme ga go le yo motee wa bona a kgonago go O bala. Eupša, O, kgoši, a nke ke go botše se sengwe! Go ne monna ka mmušong wa gago, yo a tsebago ka tša ka godimo ga tlhago.”

62 Oo, ngwanešu, ge re bona mongwalo wa seatla mo lebotong, lehono, eupša go ne Monna yo a tsebago ka ga wona. O ka no ba o ile go kgabola kantoro ya ngaka ye nngwe le ye nngwe ka toropongkolo, gomme a go boditše, “O swanetše go hwa.” Eupša go ne Monna! O ka no be o thintše ka gare ga sebe go fihla soulo ya gago e le ye ntsho bjalo ka maboto a mošidi a hele, gomme o loketše go ipolaya, ka ntle ga kholofelo. Eupša go ne Monna, gomme Leina la Gagwe ke Jesu! O tseba tša ka godimo ga tlhago. Gomme O ka go Mmušo wa rena, ka gore re bana ba Mmušo wa Gagwe. Go ne Monna!

63 O rile, “O tseba tša ka godimo ga tlhago, ka gore mengwaga ya go feta ba hweditše Moya wa Modimo ka go yena. Gomme o be a ne Moya wo mokaonekeone. O kgona go hlatholla ditoro, o bone dipono, gomme ye nngwe le ye nngwe ya tšona di bile kgontho

thwi. Kafao, o se huduege, e no mpha metsotso e se mekae gomme ke tla mo tliša fa.”

64 Go tla ba le letšatši le lengwe o tlogo Mmitša! O ka no se be le sekgoba go Yena ka ntlong ya gago. O feafea kudu, o bogela thelebišene, o bapala dikarata, o nwa piri, o ya diphathing tša go šikinyega le go pshikologa. Eupša go ne nako ye nngwe o yago go Mmitša! Yeo ke nnete.

65 Gomme kafao Daniele a tlišwa ka gare. Gomme bjalo ge a tlišwa ka gare. . . Moreri wa toko, monna wa Modimo! Ke kgona go eleletša monna wa Modimo a phela ka go lefelo le bjalo ka leo ge feela a ile a bitša kgahlanong le lona. Eupša, le a bona, kgoši ga se nke a E fa šedi, leo ke lebaka a bilego ka go seemo seo a bilego ka go sona.

66 Gomme ba tlišitše Daniele, gomme o rile, “Gobaneng bomopapa ba gago le dingaka ba sa go hlatholle?” Ba ba se ne selo go ka hlatholla ka sona.

67 Kafao morago go diregile eng? Daniele o rile, “Oo, Belesatsara, o tsebile dilo tše tšohle. Ga se tša utagala go tloga go wena.”

68 Gomme ke re go Amerika! Ke duma nka kgona go ba dira, mo motsotsong wo, ba kwe lentšu la ka. Ga le hloke tsebo go dilo tše tšohle! Bjalo ka dinaga pele di dirile sebe gomme ba dirile seo re se dirilego, re kadilwe sekaleng, gomme gwa hwetšwa re hlaetša. Go diregile eng ka Fora? Go diregile eng ka Jeremane? Go diregile eng ka ditšhaba tše dingwe tšeo di ilego “beine, basadi, le maipshino”? Ka mehla e tšwela ntle ka tsela yeo, gomme ga ra entelwa go tšwa go kahlolo. Modimo o lokile.

69 Gomme o rile, “Tatago, ka fao Modimo a mo dirilego setšhaba se segolo, eupša o e lebetše. Gomme o dirile dilo tša go swana tšeo o di dirago, gomme Modimo a mo fetšetša go ba sebata sa lešoka.” O rile, “O lemoga dilo tše, gomme morago o tšea dibjana tša Gagwe tše kgethwa le go dira papadi ka tšona.” Hlokomela. O rile, “Mongwalo o be o beilwe mo lebotong, gomme nako ye mmušo wa gago o badilwe.” Ka mantšu a mangwe, “Lebelela fa, moisa, matšatši a gago a badilwe! Mmušo wa gago o tšewa go tloga go wena le go fiwa go setšhaba se sengwe, se sehlogo, setšhaba sa go hloka modimo,” se sengwe seo—seo se befilego bjalo ka ge ba le. Modimo o dira sebe se lweše sebe. Ke a kgotsa, lehono!

70 Thwi ka yona nako ya go swana, a nke ke re pele, ge a be a eme fale, a lebeletše Mongwalo wola mo lebotong, o be a sa tsebe gore thwi ka fase ga difero, thwi nako yeo, bašireletši ba be ba bolailwe. Gomme masole a be a le mekgotheng, ba bolaya bašireletši ba mošate. Ba be ba le manamelong. Gomme basadi bale ba eme fale, kgole le masea a bona, kgole le banna ba bona, le banna go tloga go basadi ba bona, bohle ba tagilwe, ba theeditše mohuta wo mongwe wa motantsho wa sebjalebjale le

go iša pele. Gomme masole a be a le manamelong, mo metsotsong e se mekae kgoši o tla be a kgaotšwe fase. Sohle sehlopha sela sa banna ba go tagwa se tla be se kgaotšwe fase, ke sa go hloka lešoko, setšhaba sa go laolwa ke diabololo. Gomme basadi ba tla ba le diaparo tša bona di hlobotšwe go tšwa go bona, basetsana ba baswa le bohle, gomme ba katwa mo mokgotheng; morago ba topelwa godimo ka direthe, gomme gwa ritaganya dihlogo tša bona go dikologa maboto. Ba ba ripa go bulega ka morago ga ge ba dutše le bona ka kganyogo; ba go gafa, masole a tagilwego! Se be se le monyako, ka gore ba be ba kadilwe sekaleng, gomme gwa hwetšwa ba hlaelela.

<sup>71</sup> Gomme ke a kgotsa, lehono, ka go ya pele gohle ga rena ga sebjalebja, gohle go sega le go dira papadi ka ditirelo tša phodišo, go sega le go dira papadi ka Kereke ya Modimo yo a phelago, le go ya pele bjalo ka ge Beibele e rile ba tla dira, “Ba hlogothata, ba menagano ya godimo, ba ne sebopego sa bomodimo, eupša ba gana Maatla a bjona.”

<sup>72</sup> Ke a kgotsa, mo letšatšing le ge re nagana gore re šireletšegile kudu, gomme, ka bjakobjako, re hwetša gore Russia e mengwaga ye mehlano pele ga rena, ka tša mahlale.

<sup>73</sup> Re bile go diphathi tše ntši. Re pshikologa ka kudukudu ka gare ga sebe. Kereke e robotše bjalo, ga e tshwenyege ka dikopano tša thapelo gape. Ga ba iše felo. Bona, le bona, ba bea lentšu kgahlanong le wa kgonthe, Moya wa therešo wa Modimo yo a phelago; ba ka se be le bona.

Ba kereke ya leina bjalo, ba phuthetšwe godimo bjalo! Ga ba ne nako ya dikopano tša thapelo, ba ka go dipontšho tša thelebišene le diswantšho, le go gerema go dikologa, le ka go diphathi tša botagwa le dilo. Yeo ke therešo!

<sup>74</sup> Seo se ka no kwagala bofešene ya kgale, eupša ke seo setšhaba se se hlokago lehono. Go ne bontši kudu bja go sadifatša go dikologa ka Ebangedi, ka ditelafelo tša rabara godimo. E swanetše go swarwa ka diatla di se ne selo, ka Moya wo Mokgethwa. Ka therešo!

<sup>75</sup> Billy Graham o rile, e ka ba beke goba tše pedi tša go feta, ka go wo mongwe wa melaetša ya gagwe, o rile, “Setšhaba se se ka ba sathalaete go Russia, nako efeng Russia e kganyogago.” Re mo kae?

<sup>76</sup> Le tla reka direkhote tša Elvis Presley, le go dula gae go tloga kerekeng go theeletša *Re Rata Sucky*, le lengwe la matšatši a! Le kadilwe mo sekaleng, gomme la hwetšwa le hlaetša! Go diregileng? Go ne mongwalo wa seatla mo lebotong!

<sup>77</sup> Marussia a beile godimo seputiniki seo re ka se laolego selo ka sona, dimaele tše makgolotlhano go tloga go lefase; gomme ba ka bea seripa sa tasene ya tšona godimo ga Dinaga Kopano mo metsotsong ye masometharo e latelago, gomme ba bitša gare le go re, “Ineeleng, goba ebang mokgobo wa molora mo metsotsong

e se mekae.” Ba ka e dira. Ga go se re ka se dirago go ba thibela. Go mo diatleng tša bona, ba go hloka madi, ba go hloka pelo, makomonisi a go se be le modimo! Ke seo Modimo a se šomišago go dira sebe se tle seetšeng. Ka kgonthe ke yona. Ge le ka bala Beibele, Russia e swanetše go dira seo go ya ka Kutollo. Go lokile, barutiši ba lena ba seprofeto ba ka no fapana le Seo, eupša e nngong go leta go fihla e fedile. Russia e beilwe fa ka wona morero. Beibele e boletše bjalo.

<sup>78</sup> Bjale šo ka seputiniki. Re lekile go thuntšha se sengwe bošego bjo bongwe, re naganne re be re eya go dira feela bontši bjo ba bo dirilego; sa rotoga kgato tše tharo go tloga lefaseng, gomme ya phurama ntle. Bontši kudu bja go šikinyega le go pshikologa le sebe! Re kadilwe sekaleng, gomme re hweditšwe re hlaelela. Modimo, e ba le kgaogelo!

<sup>79</sup> Re ya go dira eng? Go tla direga eng ge ba ka romela diseputiniki tšela godimo le dimisaele tšela, le go re, “Ineeleng, goba ebang mokgobo wa lerole mo metsotsong ye mehlano”? Ka kgonthe, mmušo wa rena, go boloka bophelo, o tla ineela. Seo ke selo se nnoši ba ka go se dira.

<sup>80</sup> Gona go tla direga eng go ba bangwe ba lena Maamerika, bohle ba rena ka fa; e sego fa, eupša ke ra gore go bolela ka bosetšhaba? Go bolela ka bosetšhaba!

<sup>81</sup> Lena bommabohlanjane ba bannyane, ba basetsana bao ba kitimago ka dipounama tša lena di pentilwe bjalo ka mohuta wo mongwe wa mokhukhušo wa rosa; gomme le ka sega moreri mo sekhutlong, a rera Ebangedi. Gomme lena, batšwamahlalagading ba bannyane, bao le naganago le ne bontši sebete go feta gore le ne bohlale go laola!

<sup>82</sup> Go ya go direga eng go wena, papa, yo a dulago gae bošego le mama gomme o bogela thelebišene, mola serathana se le gare ga tebetebe ya rod, gomme sesi o tlase kantining felotsoko, gomme o tlase fale o dira go šikinyega le go pshikologa ga gagwe? Gomme o bogetše thelebišene, le go dira papadi ka Ebangedi!

<sup>83</sup> Go ya go direga eng ka wena, moleloko wa kereke? Dipuelo tša gago e ya go ba eng? O ka no ba le leina la gago go puku ye nngwe le ye nngwe, ya kereke ye kgolokgolo mo toropongkgolo; eupša ge feela o se ka tlase ga tšhireletšo ya Madi a Morena Jesu, o tla senyega le bao ba tla senyegago, ga go kholofelo go wena.

<sup>84</sup> Go ya go direga eng? Go ne seputiniki godimo fale. Gomme go tla direga eng? Setšhaba se tla ineela, go bjalo, seo ke selo sa maleba se nnoši mmušo o ka go se dira.

<sup>85</sup> Morago go direga eng? Lephoto morago ga lephoto, la merwalo ya sekepe ya masole; lephoto morago ga lephoto, la difofane; di tla kotama ka go setšhaba se. Basadi ba tla katwa mo mekgotheng. O tla dira eng? Ke ya bona. O ragetšwe ntle ga ngwako wa gago, ba tla o thopa.

<sup>86</sup> Go tla direga eng ka lena basetsana ba bafsa, le lena banna ba bafsa, le bohle ba lena ka nako yeo? Sebe se swanetše go lefelwa! Ga go tshwenyege ke setšhaba sefe, goba ke mang a lego, e a se dira. Motho ka motho, goba setšhaba, se ya go patelelwa! Gomme sehlopha sa ba bašoro, ba go hloka modimo, mahlaa a ditedu, masole a bokominisi ba tla swara basadi ba lena le go ba kata, basetsana ba lena ba bafsa. Gomme le tla ema le go e rata, ga go se o ka se dirago mabapi le yona.

<sup>87</sup> Ke eng e hlolago seo? Ka gobane le theeleditše go dilo tša go swana le mananeo a a thelebišene ka go šikinyega le go pshikologa le sebe, le moreri wa go tonya wa semmušo a sa kgonego go hlatholla tša ka godimo ga tlhago. Mongwalo wa seatla o lebotong! Yeo ke nnete! Gomme re kadilwe mo sekaleng, gomme ra hwetšwa re hlaelela.

<sup>88</sup> Seo se ka direga neng? Pele go hlaba ga letšatši mo mosong. Ke mang a yago go e emiša? E leke. Beibele e re e tla direga.

<sup>89</sup> Eupša a nke ke le botše, seo se ka se tsoge sa kgwatha Kereke ya Modimo a phelago, re tla be re sepetše ka nako yeo!

<sup>90</sup> Kafao, mogwera, theeletša. Ge selo seo se le kgauswi bjalo, gomme re bona mongwalo wa seatla mo lebotong, ga go selo go kgona go thibela selo se go direga bjale.

<sup>91</sup> Amerika e reretšwe, sa ka godimo ga tlhago se dirilwe, gomme kgafetšakgafetša ba pshikologa thwi ka godimo ga Wona.

<sup>92</sup> Eya go naga felotsoko gomme o sware tsošetšo, gomme o be le masommenne a basokologi ka beke; gomme eya morago ka beke tše tshela, ga o ne ba bane. Mogobe wa kgale o theilwe go fihla o oma. Modimo o no ba le ba bantši A ba kgethilego. Gomme ge wa mafelelo a le ka gare, seo se tswalela lemati gomme go fedile.

<sup>93</sup> Gona ga go ne selo se šetšego eupša kahlolo ge mogau o nyaditšwe. Gomme fa re mafelelong a tsela.

Sa ka godimo ga tlhago se dirilwe, Se segilwe le go dirwa papadi. Gomme selo sa mafelelo, Modimo o tlile ka Maatla a Gagwe Mong, ka go Morwa Moratwa wa Gagwe Mong, go dira ka Kereke ya Gagwe, gomme ba re Ke “bomeboya,” goba, “diabolo.” Ke eng gape se ka šadišwago eupša kahlolo? Gomme fa go mongwalo wa seatla mo lebotong!

<sup>94</sup> Eupša, ge seo se le bokgauswi bjoo, gomme morutiši e ka ba ofe o tseba gore Kereke e ya ka go Tlhatlogo pele ditlaišego di etla gare. Kafao ge seo se le bokgauswi bjoo, go ka direga pele ga moso, go reng ka Tlhatlogo? E kgauswi go feta seo! Oo, a go šegofatšwe Leina la Morena! Go Tla ga Morena go batametše. Mongwalo o ngwadilwe, gomme o ngwadilwe mo Beibeleng, gomme re phela go o bona.

<sup>95</sup> A le ka, ka tlhohletšo ya lentšu la ka, la amogela Jesu Kriste iring ye? “Sokologang, gomme le kolobetšwe,” go boletše

Petro, “yo mongwe le yo mongwe wa lena, mo Leineng la Jesu Kriste, go tebalelo ya dibe, gomme le tle amogela neo ya Moya wo Mokgethwa; ka gore tshepišo ye ke ya lena, le go bana ba lena, le go bona bao ba lego kgolekgole. Ka gore ga go leina le lengwe le filwego ka tlase ga Legodimo magareng ga batho, leo ka lona le swanetšego go phološwa.” Ntle le ge o le wa Kriste! O ka no ba Momethodist, Mobaptist, Mopentacostal, Monazarene, Mokatoliki, o lahlegile go fihla o e ba wa Kriste! Gomme Kriste o tla ka go wena, ke Tswalo ye mpsha ka Moya wo Mokgethwa. Amogela Yena bošegong bjo, ge re sa rapela.

<sup>96</sup> Ka dihlogo tša lena di inamišitšwe. Ke no kgotsa se, ke ba bakae ka gare fa bao ba tsebago gore selo se segolo se se tla direga? O ka no ya malaong bošegong bjo le mosadi wa gago, gomme mo mosong a be a sepetše. Lena, tate le mme, le ka no atla digotlane tša lena go robala, bošegong bjo, gomme gosasa mosong malao a mannyane a se be le selo. Gomme o tla kitima tlase mokgotheng, go hwetša seo se diragaletšego Mdi. Jones, o sepetše, le yena. Tthatlogo e batametše, Beibele e file pepeneneng.

<sup>97</sup> Gomme ka go kopano ye, ge o sa ne sebaka, feela bjalo ka banna ba—ba bohlale, le basadi ba bohlale, gobaneng le sa sekegele pitšo yeo dipelong tša lena, gomme la re, “Morena Modimo, ntlatše ka Bophelo bjola Bosafelego.” Ka gobane, ge moya wa gago e sa le kgopolo ya monagano, o lebane lefase. Eupša Moya wa Modimo, woo o tšwago ntle ga Legodimo, o tla ka gare ga pelo ya gago gomme wa go fa Moya wo Mokgethwa, ka go wena. Ge tlašego e etla, Moya (Moya wo Mokgethwa) o ya morago go Mohlodi wa Ona, gomme o ya le Wona. Ga go tshwenyega ka fao o lego wa bodumedi, e ka se ye ntle le ge go ne Se sengwe ka fale go tšea.

<sup>98</sup> Ke ba bakae bošegong bjo, ka dihlogo tša lena di inamišitšwe, mo pele ga Molaetša wo, le ka emiša diatla tša lena go Kriste, gomme la re, “Modimo, ntlatše ka Moya wo Mokgethwa wa Gago. Gomme ge O ka tla, ke nyaka go sepela le Wena”? A o ka phagamiša diatla tša gago? Modimo a go šegofatše, feela gohle godimo ga kereke. Ka kgonthe, makgolo a mabedi, goba go feta, diatla godimo mo moyeng.

<sup>99</sup> Mogwera modiradibe, ge e ba o sa nka wa amogela Kriste, a o ka phagamiša seatla sa gago ka nako ye, gomme wa re, “Morena Jesu, nkgaogetše”? Modimo a go šegofatše, mohumagadi. Modimo a go šegofatše godimo fale, wena morago fale. Yo mongwe gape, “E no nkgopola, Morena.” Modimo a go šegofatše godimo fa, fase fa. Morena a be le wena. “Nkgopole, O Morena. Mahlo a ka a sa tšo bulega. Ke lemoga gore mohlomongwe ke pakile go ba Mokriste nako ye telele, eupša ga se nke ka tseba seo go tswalwa gape e lego. Ga se nke ka amogela Moya wo Mokgethwa.”

100 “Kagona, ntle le ge motho a ka tswalwa gape, a ka se kgone go tsenka ka Mmušong, goba a ka se kgone ebile go bona Mmušo.”

101 A o ka phagamiša seatla sa gago, gomme wa re, “Nkgaogele, O Moya wo Mokgethwa. Gomme ge O tlela Kereke, ntšee”? Modimo a go šegofatše, mohumagadi. A yo mongwe gape, “Nkgopole, O Modimo.” A go šegofatše, mohlomphegi. Modimo a go šegofatše, mohumagadi. “Nkgopole, O Modimo.” Modimo a go šegofatše fa, moisa yo moswa. Modimo a go šegofatše godimo fale, mohumagadi. Morago fale, mohumagadi yo moswa, morago. Le wena morago fale, mohumagadi. “Nkgaogele, O Modimo, ge ke bona mongwalo wa seatla o le mo lebotong. Ke hlalefile go lekanela, o re, go bona gore seo se boletšwego go tšwa go Beibele, bošegong bjo, gore se ke pušeletšo ya histori.”

102 Re mo bofelong. Ga go se se kgonago go thuša. Selo se se yago go senya lefase se ka diatleng tša monna wa sebe.

103 Go ne feela go se nene bontši. O ka no ba wa mafelelo a beetšwego go tla go Kriste. Ge yola wa mafelelo a etla, kahlolo e a ratha; go hlokela selo se tee go le bjalo, seo e ka ba wena. A o tla Mo amogela bošegong bjo ge re sa letile?

104 Tše dingwe tše masomepedi, masometharo a diatla a emišeditšwe godimo. Bjale ga re ne lefelo fa go dira pitšo ya aletara, go tliša batho mo pele fa, ka gobane ga re ne lefelo le itšego. Eupša ke ya go le kgopela, ka kgonthe, oo, hlokofalang gomme le theetšeng lentšu la tšhebotšo. Hlokofalang gomme le kgopela Kriste, thwi fao le dutšego, “Morena, nkgaogele, modiradibe, gomme o nkamogele pele ke feta ka kua ga seširo sa kgaogelo. Pele nka dira sebe letšatši la ka la mogau, nkgaogele, Morena,” gomme O tla e dira.

Bjale rapela ka mokgwa woo ge ke rapela le lena.

105 Morena Mošegofatšwa, re eme seemong se šiišago bošegong bjo. Bjalo ge re bala Lentšu la Gago, le go tseba gore bontši nako efe kapa efe diyalemoya di ka bonega, gomme go šikinyega gomme baletšammimo ba go pshikologa ba ya go opela *Kgauswiuwi*, *Modimo wa Ka*, *Go Wena*, eupša go thari kudu nako yeo, kahlolo e rathile. Dimisaele di re lebantšhitše. Tshenyego, ka dimaele ka morago ga dimaele, ka ditone ka morago ga ditone tša—tša matšato a athomo a swielago lefase, le go ya pele, tšeo di tla tukišago lefase ka moka. Gomme e ka diatleng tša monna wa sebe. Gomme Beibele e boletše gore yeo ke tsela e tla diregago. Gomme re bona mongwalo wa seatla lebotong.

106 O Morena Modimo, ga ka lekanela go leka go tliša Molaetša go swana le wo go batho. Gomme ke ikwa ka fao ke lego yo monnyane, go emeng fa, go leka go swara taba e bjalo, eupša a O ka ntebalela go karolo ya ka ya go se kgone go e dira. Eupša ka mokgwa wo mongwe, go tšwa pelong ya ka, ke A go kgopela go nweletša Molaetša, tsela ye O ka bego o e dirile, ka gare ga

dipelo tša bona, ka gore ke bona iri e batamela. Gomme gaogela, Modimo, le go phološa yo mongwe le yo mongwe, le go ba tlatša ka Moya wo Mokgethwa. Gomme a nke ba be bana ba Gago, ba phuthetšwe Semodimo ka go go loka ga Gago, le go amogela tšhireletšo go tšwa go Morena Jesu.

<sup>107</sup> Ka gore, setšhaba sa rena ga se sa šireletšega. Re naganne re be re le. Go bile bjalo go Mmušo wa Babilone o naganne bjalo, eupša, nako yohle, go be go ne setšhaba se sempe se šoma. Gomme go bile le setšhaba se sebe se šoma, go fihla bjale re a tseba gore ba pele ga rena, gomme re mo kgaogelong ya bona.

<sup>108</sup> Morena, Kereke e mo mogaung wa Gago. Ba tla senya; eupša O tla tšea Kereke ya Gago. O Morena, re tšeela ka gare ga tlhokomelo ya Gago, bošegong bjo. Gomme re šegofatše seabakang sa Jesu; gomme mo Leineng la Gagwe re a rapela. Amene.

<sup>109</sup> Feela ga boleta, motsotso. E bang le tlhomphokgolo.

Ga boleta le bonanana Jesu o a bitša,  
O bitša wena le . . .

Ge re opela bjale, itlhodišiše.

Mo Monyakong O letile le go lebelela,  
O lebeletše wena nna.

Etla Gae, (Kae? Etla godimo, etla godimo  
godingwana.)

Wena o lapilego, etla Gae;

Ka tiišetšo, ka bonanana, Jesu o a bitša,  
O a bitša, O modiradibe, etla Gae!

[Ngwanešu Branham o thoma go hama *Ka Boleta le Bonanana*—Mor.]

<sup>110</sup> Oo, a e ka se be nako ye botse go yona go diragala feela bjale! Oo, go lokile, nako ye nngwe le ye nngwe A lokilego. Amene! Ke thabile bjang go Mo tseba. Ke thabile bjang gore mmele wo wa go se tie wa kgale, wo o hlohloregago godimo fa, o tla fetolwa ka pelapela, ka panya ya leihlo. Ke tla boela morago go monna yo mofsa gape, go phela go ya go ile.

Batšofe ba tla ba bafsa kua go ya go ile,  
Ba fetotšwe ka pelapela ka nako;  
Go se hwe, ba tla ema go swaneng le Yena,  
Dinaledi le letšatši ba tla phadima go di feta.

A monyetlabotse! O se Mo gane.

Oo, ka fao o tla Mo nyakago go re, “O dirile gabotse,”

Mo Letšatšing lela la Bokagosafelego!

O se gane morategi Mophološi go tloga pelong  
ya gago,

O se Mo gane. (A bjo e be bošego.)



111 Ke ba bakae ba Mo ratago ka dipelo tša lena tšohle, gomme le lokile ge A ka tla? Oo, go lebogwa bjang! A ga le ikwe feela bjalo ka ge eke le edišitšwe ntle bjale, bokagare? Ebangedi, re hlatswitšwe ka meetse a Lentšu. E no obeletša godimo kgauswi le wena, gomme o šikinye diatla le yo mongwe, o re, “Modimo a go šegofatše. Ke no ikwela bose ka kgonthe. Modimo a go šegofatše, moeti. Modimo a go šegofatše, kgaetšedi, ngwanešu.” Re motho mosepelatsela mo tseleng.

Go sepela ka go tselalephefo ye botse ya kgale,  
Go anega mogohle ke yago,  
Bokaone ke be Mokriste wa nako ya kgale,  
Morena,  
Go feta e ka ba eng ke e tsebago.

112 Bjale ge re sa le ka go sebaka se sa tlhomphekgo, ke a dumela e no ba thari kudu gannyane go bitša mothalo wa thapelo. A re... Ke dumela Moya wo Mokgethwa o thakgetše gabotse, palo ye kgolo ye e tlogo go Kriste. Bjale o ikhweletša kereke thwi ka pela, o kolobetšwe gomme o ye ka go kereke yeo, kereke ye botse ya go tlala Moya, gomme fao o dule ge feela o sa phela.

113 Ke mediro efe Kriste a tshepišitšego O tla e dira? O rile, “Mediro ye Ke e dirago, le tla e dira le lena.” Gona, Bogona bja Gagwe bo fa. Gona, ke a tseba, bagwera. Ke—ke a tseba, go se morithi wa pelaelo, gore Jesu o fa. Go ne Monna fa, Ke Monna wa go swana a sepetšego Galelia. Ke Monna wa go swana a go lopolotšego ka Madi a Gagwe, gomme a go fodiša ka megogoma ya Gagwe. Gomme O fa go phethagatša le go dira se sengwe le se sengwe A se dirilego, ka gobane Ke Morena Jesu wa go swana.

114 Bjale a re rapeleng feela sebakanyana, ka setu. E no ba thapelong ge ke leka go hwetša monagano wa Moya wo Mokgethwa. [Ngwanešu Branham o ema lebakanyana—Mor.]

115 Kafao, mmimo wola wo mbose, batho ba lego tlaišegong bošegong bjo ba ka rata bjang go kwa wola! Batho bao mohlomongwe ba ilego ba dula mo setulong seo o dutšego bošegong bjo, ba kwele Ebangedi, gomme ba fetile, ba tlaišegong bošegong bjo, ba ka rata bjang go tšea setulo seo o se duletšego; ba ile kgole kudu bjale. [Ngwanešu Branham o ema lebakanyana—Mor.]

116 Morena, Wena O dirilego Magodimo le lefase, Wena O romilego mošegofatšwa Morena Jesu fa go lefase; gomme ka go Yena go dutše botlalo bja Moya. Gomme Wena o boletše, ka dipounama tša Gagwe, “Ke nna Mohlare wa morara, lena le makale. Mohlare wa morara ga o tšweletše seenywa ka Bowona, eupša makale a tšweletša seenywa.” Ke a rapela, Modimo, gore O tla bonagatša Bowenana bošegong bjo, magareng a rena, gore batho ba ba ke ba tsebe gore Molaetša wo o sa tšogo rerwa, wola o tšwa

go Wena, gore Wena o a re sebotša go lokela, gomme matšatši a bofelu a batametše.

117 Go ka no ba go ne batho ba go babja ba dutše fa, Morena. Ba fe tlhohleletšo, gore ba ke ba fole, ka gore re kgopela se sebakeng sa letago la Modimo. Bjale, Morena, ge re sa ineela ka borena go Wena, bjalo ka Kereke ya Modimo a phelago; go bona, ke a kamaka, seatla se sengwe le se sengwe ka fa se ile godimo. Gomme ke ya go Go kgopela, bošegong bjo, Morena, go dira se sengwe sa go ikgetha go rena. Gomme efa feela bjale gore batho ba ba kgone go ineela ka bobona ka tsela yeo gore Moya wo Mokgethwa o tla sepela go ba kgabola, ka tumelo e kaalo, gomme gore nna ke ineela ka bonna go Wena, gomme Wena o tla dira ka dimpho tša Gago go netefatša Bowena magareng a rena; gore, go ka no ba basetsebjje mo magareng ga rena. Re kgopela ka Leina la Jesu. Amene.

118 [Ga go selo go theipi—Mor.] . . . ka gore ka mehla O bontšha kgaogelo pele ga kahlolo. Ke no ya go kgopela badiredi go šala fa, le go rapela. A re rapeleng.

119 Gomme bjale, gagologolo, ke be ke rera, gomme ke—ke no ya go kgopela mohlomongwe lena batho fa mo pele, goba e kaba kae le lego, e nno thomang go bolela se. Beibele e bolela gore, “Yena ke Moprista yo Mogolo yo a kgonago go kgwathwa ke maikutlo a mabofokodi a rena.” Gabotse, gona, ge A le Moprista yo Mogolo yo a bilego maabane, O a swana lehono; gona tiro ya go swana A e dirilego maabane, O tla e dira lehono ge A le wa go swana. A ke nnete? Kafao ge A ka kgona go kgwathwa bjale, o Mo kgwatha ka maikutlo a mabofokodi a gago, gomme o Mo dumelela a bolele morago.

120 E no nagana, ge A eme go dikologa batheeletši bjalo ka ba letšatši le lengwe, go bile le monna o tlile godimo, a bitšwa Petro, goba leina la gagwe e be e le Simone. Gomme O rile, “Leina la gago o Simone. O morwa wa Jona. Eupša, go tloga gabjale, o tla bitšwa Petro.” O bile mang? Moapostola morategi.

121 Ge Filipi a hweditše Nathaniele, gomme a tlile godimo, O rile, “Bonang Moisraele yo go yena go se nago bofora,” ka mantšu a mangwe, “Mokriste, motho wa go tshepagala.”

O rile, “O ntsebile bjang, Rabi?”

122 O rile, “Pele Filipi a go bitša, ge o be o le ka fase ga mohlare, Ke go bone.”

123 Mosadi ka taba ya madi o tla ntle. O lebeletše godimo ga batheeletši.

124 Ba naganne mediro ya Gagwe e be e le ya diabololo, gomme ba rile ka dipelong tša bona, “Ke Beletsebulu.” Gomme A hlatha dikgopololo tša bona. A ke nnete?

125 O rile, “Ga ke dire selo go fihla Tate a Mpontšha pele. Gomme mediro yeo Ke e dirago, le tla e dira le lena.” Kafao O swanetše go

ba, ge A šoma ka Kerekeng ya Gagwe, ka gobane leo ke Lentšu la Gagwe.

126 Bjale ke nyaka go le botšiša. Ge eba go batheeletši ba, bonnyane batho ba babedi goba ba bararo, Morena o tla fa gore ba be le tumelo e lekanetšego go kgwatha kobo ya Gagwe, gomme O tla bowa morago ka Moya wa Gagwe go diragatša tlwa bjalo ka ge A dirile ge A be a le fa mo lefaseng, a bohle ba lena le ka kgotsofala go Mo amogela bjalo ka mofodiši wa lena? A le tla e dira? E reng, “Amene,” ge le tla dira. [Phuthego e re, “Amene.”—Mor.] A nke A efe, ke thapelo ya ka. Bjale ge le no rapela. Gomme ge e ba le . . .

127 Ke ba bakae batho ba babjago ka fa ba nyakago go fodišwa, phagamiša seatla sa gago. Feela mo gohle, go lokile, batho ba babjago bao ba nyakago go fodišwa.

128 Bjale, ge e ba go ne yo mongwe ka moagong wo yoo ke . . . Ga ke tsebe motho yo ke mo lebeletšego.

129 Ke nagana yo ke Rosella a dutšego fa, mosetsana yo monnyane yo a bego a le segatamoroko, yoo a biditšwego ntle mo kopanong felotsoko, o bile segatamoroko, gomme dingaka di mo hlobogile. Yena, ge a bitšwa ke Morena, mosetsana o a tseba ga se nke ka mmona goba ka mo tseba. Gomme Morena o mmoditše tšohle ka ga bophelo bja gagwe le seemo sa gagwe, le go mmotša o ya go welwa ke maruru. Gomme šo bošegong bjo, seala sa mogau wa Modimo. Segatamoroko, go fihla ngaka morago ga ngaka ba mo ganne, le yona Alcoholics Anonymous. Ke a mo tseba.

130 Eupša, ka tsela ye nngwe, ke ne kgonthe ye botse gore ngwanešu yo a ntebeletšego, a dutše thwi fa ka sutu ye tshlehla godimo, ke ngwanešu yo a re tlišetšago matšoba. Ke dumela seo ke nnete. Ga—ga ke kgone go nagana ka leina la gagwe bjale. O be a le fase ntlong ya ka e se kgale botelele, le Ngwanešu Boze; Shultz, Ngwanešu Shultz.

131 Ntle ga seo, ke naganne ke bone Ngwanešu Fred Sothmann feela sebakanyana se se kae sa go feta, felotsoko ka moagong, eupša ke lebetše fao e lego bjale. Golebjalo, o bile, o fa felotsoko.

132 Gomme ga—ga ke tsebe yo mongwe gape. Eupša Modimo o le tseba bohle. Ge le ka no rapela le go kgopela Modimo, leka tumelo ya gago.

133 Gomme go se be le yo a sepelasepelago bjale. Ebang ba tlhomphokgolo ka kgonthe go metsotso e se mekae e latelago. Bjale, *Dumela Feela*, ge o ka dira. Gomme feela ka tlhomphokgolo ka mo o ka kgonago go kgona go metsotso e se mekae, gomme e no dula ka setu. [Moletšaokene o bapala *Dumela Feela*—Mor.]

134 E nnong nagana, Kriste o e tshepišitše. “Sebakanyana, gomme lefase le ka se sa Mpona gape; efela le tla Mpona, ka gore Nna . . .” (*Nna*, e sego yo mongwe. *Nna* ke lešalaina.) “. . . Nna ke

tla ba le lena go fihla bofelong bja lefase. Dilo tše Ke di dirago, le tla dira, le lena.” “Jesu Kriste wa go swana maabane, lehono, le go ya go ile.” A yeo ke therešo? [Phuthego e re, “Amene.”—Mor.] E swanetše go ba therešo.

<sup>135</sup> Gabotse, ke leboga Morena kudu. Ke tla . . . Le ka phagamiša dihlogo tša lena ge le rata.

<sup>136</sup> Thwi fa mo sekhutlong, go ne mohumagadi o dutše thwi fa mo sekhutlong. Ke mosadi wa mokhalate. Mohumagadi, ga ke go tsebe. Modimo o a go tseba. Eupša go ne Seetša sela feela ka godimo ga mosadi bjale. O ne . . . Ge Morena a ka nkutollela seo bothata bja gago e lego, le seo o rapelago mabapi le sona, a o tla dumela gore ke Morena Jesu go go thuša? O swanetše go ba o le bothateng, goba se sengwe o se dumago, ka gobane Sesela fale.

<sup>137</sup> Le a bona, bagwera, le re, “Gabotse, ga ke Se bone.” Go a kgonagala gore o se ke wa Se bona. Ke lebeletše thwi go Sona. Le a bona? Le re, “Gabotse, Ngwanešu Branham, ge o ka kgonaga go Se bona ka dikwi tša gago, nka kgonaga, le nna.” Oo, aowa.

<sup>138</sup> Paulo o bone Sela, Jesu ka sebopego sa Seetša, gomme bao ba bego ba ne yena ga se ba Se bona. Le a bona? BoMagi ba bone Naledi, Seetša seo se ba hlahlilego, eupša ga go yo mongwe gape a Se bonego. E no ba sa ba bangwe. Ke dimpho.

<sup>139</sup> Mosadi ka bothata bja go thibana ga dinko. Yeo ke nnete. Le wena o ne bothata bja pelo. Yeo ke nnete tlwa. [Kgaetšedi o re, “Letago! Haleluya! Ditebogo go Wena, Jesu!”—Mor.] Theetša. Leina la gago ke, ba go bitša Essie. [“Yeo ke nnete.”] Uh-huh. Leina la gago la mafelelo ke Upshire. [“Yeo ke nnete, Ngwanešu Branham.”] O dula go North Cleveland Street. Tšhupabodulo ya gago ke 1264. Yeo ke nnete thwi. [“Seo e bile nnete thwi.”] Ya gago . . . O kgwathile Se sengwe, mohumagadi. O a tseba ga se nke wa nkgwatha.

<sup>140</sup> Mosetsana yola a dutšego hleng le wena fale, o a rapela, le yena. Gomme o rapelela yo mongwe gape, gomme yoo ke mmago, gomme o ne se sengwe sa phošo ka maswafo a gagwe. Gomme o tswalane go gongwe le mosadi yo *fa*. Ke wena ngwetši ya gagwe. Gomme leina la gago ke Margaret. Yeo ke nnete. Gomme o dula lefelong la go swana. Ke go bona o etla, le go ya ka gare.

<sup>141</sup> O nagana eng ka yona, mohlomphegi, monna wa go latela a dutšego fale? A o dumela gore Jesu Kriste ke Morwa wa Modimo? O a dira? Ge Morena a ka nkutollela seo e lego bothata bja gago, a o tla Mo amogela? O ne bothata bja mogodu. Yeo ke nnete. Ge seo e le nnete, ema ka dinao tša gago. Kgontho. O moreri.

Ke a gobane, o re, “O lebeletše diaparo tša gagwe tša boruti.”

<sup>142</sup> Go lokile, ntle le seo, yo mongwe o go letetše go ba Mopresbyterian, eupša o moreri wa Mopentacostal. Yeo ke nnete. Amene. Go tšhoga ga gago ke gona go dirilego alesa ya gago. E sepetše. Eya gae gomme o welwe ke maruru, ngwanešu. Amene.

Eba le tumelo go Modimo. Feela o se belaele.

<sup>143</sup> O nagana eng, o dutše thwi fa? Ee. Uh-huh. A o a dumela? O ntumela go ba mohlanka wa Modimo? Goba, o nyaka se sengwe go tšwa go Modimo. Ge Modimo a ka nkutollela seo o se nyakago, a o tla dumela gore Sa ka godimo ga tlhago se a dirwa? O a e dumela, feela tlwa seo Jesu a ka go se bolela? [Kgaetšedi o re, “Pelo ya ka yohle.”—Mor.] Pelo ya gago yohle. O ne sekutu, gomme sekutu seo se lethekeg la gago. Yeo ke therešo. Gomme gape o ne bothata bja mogodu. Bo hlolwa ke seemo sa letšhogo. Yeo ke therešo. Uh-huh. Leina la gago ke Eva May. Readman ke leina la gago la mafelelo. O dula go mokgotha, 1378 West 13th Street. Yeo ke kgontho.

Gore o ke o tsebe gore ke mohlanka wa Modimo, yoo ke mosetsana wa gago yo monnyane a dutšego fale. O mo nyakela thapelo. Mosetsana yoo o monnyane o ne mefokolo ya madi, gomme e mo tlela ge a thaba kudu goba a eya go lla thata ka kgontho. Yeo ke GO RIALO MORENA.

Mošemane yola yo monnyane ke kgaetšedi wa gagwe. Yeo ke therešo. Mošemane yo monnyane, le yena, o mo nyakela thapelo. O tshwenywa ke go bipelwa, gomme o theogile boima kudu feela e se kgale, le gona. A ga se a ke? Yeo ke GO RIALO MORENA.

<sup>144</sup> Mosadi wa mothomošweu a dutšego hleng ga gago, o bonala eke o gakantšhitšwe ka se sengwe. A o a dumela, kgaetšedi? O dumela Modimo o rometše Morwa wa Gagwe, Jesu Kriste, go kwalakwatša go moloko wa Bantle gore O etla e se kgale? O ne bothata bja thaka o hlakišwago ke yona, gomme gape le bothata bja lela, gomme o a tšhoga. Ga o tšwe go toropokgolo ye, le gona. O tšwa Detroit. Nomoro ya gago, fao o dulago, ke 12134 Fandler Street. Yeo ke therešo. Detroit, Michigan. O Montareana. Leina la gago ke Viola P-o-l-o-m- . . . Polomba. Uh-huh. E ba le tumelo go Modimo, gomme amogela seo o se kgopelago.

<sup>145</sup> Le nagana eng, fase ka tsela *ye*? A le dumela ka pelo ya gago yohle? [Phuthego e re, “Amene.”—Mor.]

<sup>146</sup> Go reng ka wena, mohumagadi yo monnyane o dutšego fale? A o a dumela ka pelo ya gago yohle, mohumagadi yo monnyane ka mafelelong fale? Gabotse, e ka ofe wa lena, ga go tshwenye. O nagana eng, wena fale, thwi hleng ga gagwe? O dumela ka pelo ya gago yohle, mme yo monnyane o dutšego, o ntebeletše? O nagana eng ka yona? O dumela gore Morena Jesu o tla go fodiša go ruruga ga megalatšhika yeo o nago le gona? O a dira? Mohlomongwe o tla nagana se, o tla dumela bontši ge ke go botša monna wa gago o bile le bothata bja tsebe. O nyakile a rapelelwe. Yeo ke nnete tlwa. Uh-huh. Bjale o a ntumela? O be o sa e hwetše, mo peleng. Seo se mohuta go go phafošitše, selo, ka gobane o amogetše phodišo ya gago gona.

<sup>147</sup> O phagamišitše seatla sa gago, hleng ga gagwe, mohumagadi. O nagana eng ka yona? O dumela gore Modimo o tla go

dira o welwe ke maruru? [Kgaetšedi o re, “Ke a tseba A ka kgona.”—Mor.] O ka dira? Go lokile, gona atheraithise ya gago e tla go tlogela. O ka kgona go dumela? Huh?

<sup>148</sup> O ile wa nagana eng, mohlomphegi, wena o šišinyago diatla tša gago? O dumela Modimo o tla go fodiša bothata bja gago bja pelo, a go dira o welwe ke maruru? A o a dumela A ka dira?

<sup>149</sup> Wena, o dutšego, o mo lebeletše fale, o a dumela, le wena? O nyaka Modimo. . . O bile le bothata bja pelo, le wena. A ga se nke? Ee. Gomme o bile le swikiri, gape. Yeo ke nnete. O dumela Modimo o tla go dira o welwe ke maruru? Gona o ka kgona go ba le yona.

A ga le dumele? [Phuthego e re, “Amene.”—Mor.] Ebang le tumelo go Modimo!

<sup>150</sup> Ke eng fase ka *fa*? Wena, mohlomphegi, o dutše fale mo mafelelong a setulo, o a dumela? O swanetše. O sa tšo fodišwa. O bile le bothata bja lenao, a ga se nke? O dumela gore Morena Jesu. . . Eupša o rapelela yo mongwe gape bjale, yoo ke ngwanano wa gago, gomme o ka Winsconsin. O sa tšo ba le karo mo maswafong a gagwe. Seripa sa ona se tlošitšwe. Yeo ke nnete. O a dumela? Gona o ka amogela seo o se kgopelago.

Oo, Leina la Morena le šegofatšwe!

Ke tla Mo tumiša, ke tla Mo tumiša,  
Tumišang Kwana e hlabetšwego badiradibe;  
Mo feng letago, lena batho bohle,  
Ka gore Madi a Gagwe a hlatswitše patso ye  
nngwe le ye nngwe go tloga.

<sup>151</sup> Morena mošegofatšwa, re tla Go bona letšatši le lengwe o etla ka kua ka Magodimong. Re a tseba O fa bjale ka Mmele wa semoya, O ikwalakwaditše ka Bowena ka phethagalo go rena. Lefase ga le kgone go bala seo, Morena. Ebile ga se re le emele go dira, ka gobane O rile, “Ba ka se sa Mpona gape.” Upša re a tseba gore O ne bana bao ba kgonago go Go bona. Re ne bana bao ba Go tsebago. Gomme re leboga seo.

<sup>152</sup> Gomme re a rapela bjale gore O tla swiela godimo moago wo, ka Moya wo Mokgethwa wo mogolo, le go fodiša motho yo mongwe le yo mongwe a babjago ka fa. Feela bjale ikhweletše letago ka Bowena, Morena. A nke batho ba se dule mo go hwilwego, eupša a nke ba tsoge le go phadima, le—le go fa Modimo thorišo le letago. Ka Leina la Jesu.

<sup>153</sup> Ge o Mo dumela, ema ka dinao tša gago le go Mo fa thorišo ka pelo ya gago yohle. Gomme hlalala go Morena Jesu, ka gore bjale O fodiša yo mongwe le yo mongwe wa lena, go letago le Lekgethwa la Gagwe le legolo. Modimo a le šegofatše. Amene.



*MONGWALO WA SEATLA MO LEBOTONG* NST58-0108  
(The Handwriting On The Wall)

Molaetša wo ka Ngwanešu William Marrion Branham, setlogong o abilwe ka Seisimane ka Laboraro mantšiboa, Janaware 8, 1958, mo Lane Tech High School ka Chicago, Illinois, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice of God Recordings.

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)